

# عبداللہ اوژلان

"راجے داں ہماوہدے سرجم آجوندہ بیت دانکہ آئی ءزلبول یک ریڈیکل آشوبے میار آنت۔"

عبداللہ اوژلان

## زندمان:

عبداللہ اوژلان (عرف اپو) 14 اپریل، 1949ء حلفیٹی کردستان ءودیک بوٹنگ۔ دربر جاہ ءوانگ ءوہدے عبداللہ اوژلان حصے واہشت ءدرایت کہ آ ترکی ءلشکر ءبہر جوڑ بہ بیت۔ ہمیشکہ اوژلان ترکی ءپو جی دربر جاہ ءچکاس ءدنت بلے سوین نہ بیت۔ 1969ء چہ انقرہ ءدربر جاہ گریجویشن ءپد، عبداللہ اوژلان استنبول ءروت ء "DDKO" بزاتکہ (Revolutionary Cultural Eastern Hearths) ءمر آکشانئی تہ ءبہر زورایت۔ ایش گورد نور برانی یک گلے بیت۔ 1969ء ایشی ءنہشت ماں ترکی ءایر کنگ بیت ء1971ء ترکی پوج ءسرو کی ءچیر دستی ءایشی ءسره بندش جنگ بیت۔

وقی وانگ ءزانگ ءزمانگ ءاوژلان دنیا ءجتائیں سیاسی لیکہ ءھیالاں وان ایت، ہاسکار سوشلزم ءبارو ءگول دلحجی ءبازوان ایت ءسرپد بیت۔ 1970ء اوژلان انقرہ ءمزن شہدر بر جاہ ءپولیسٹیکل سائنس ءڈپارٹمنٹ ءداکلہ زوریت۔ دیمتر ءاوژلان مارکس ءلینن ءہوار ماو، نطشے، ہیگل، گراچی، بیکونین ءدگہ بازیں زانکار ءدپتر نویسانی سنا ءلیکھاں وان ایت ءچرایاں باز اسر مند بیت۔ اے میان ءاوژلان گول وقی ہمپگریں سنگتال گند ءمندکت ءجتائیں وهداں جتائیں دیوان ءمر آگش اڈدنت (کہ آہانی بنیات کردستان ءحیرہ بیت)۔ 1974ء 1975ء میان ءانقرہ ءبازیں دیوانائی اڈدیگ ءپد اوژلان ءآئی ءپگر ءمٹوگر ہمے آسره رس آنت کہ کردستان یک ایردستیں استانے ءایشی ءواستہ یک ریڈیکل آشوبے ءبندات کنگ بیت۔

1978ء اوژلان کردستان ءمہکتریں سلاہندیں گل "PKK" بزاتکہ (Kurdistan Workers Party) ءجوڑکنت ءچہ ترکی ءکردستان ءوتواجہی ءلوٹ ءکنت۔ 1979ء اوژلان سیریا ءروت ءوقی گیشیں سیاسی زند ءماں سیریا ءگوازیں ایت۔ فروری 1999ء "MIT" بزاتکہ سینٹرل انٹیلیجنس ایجنسی (Central Intelligence Agency) (Turkish National Intelligence Organization) ءمک ءاوژلان ءچہ نیروبی کینیاء دزگیر کنت ءترکی ءبارت۔ سلاہندیں گل ءجوڑکنگ ءبنیات ءترکی ءعدالت اوژلان ءمرگ ءسزادنت۔ بلے 1999ء ترکی ءعدالت مرگ ءسزاء سرء بندش جنت ءاوژلان داں زند زندانی کنگ بیت ءاے وهداں اوژلان ماں ترکی ءزندان ءبندیک بیت۔

## کردستان ءبڑہ ءحیرہ:

50,000 ہزار سال پیسر لبز کردستان چہ سیرین لبز "گر" ءدراننگ کہ آئی ءبزانت "کوہ" ایت۔ دیمتر ءگر "گرتی" ءدروشم ءزوریت کہ آئی ءبزانت "کوہی مردم" ایت۔ سُلجو یک بادشاہ ہنداتی مردم ہنت کہ آلبز "کردستان" (گردانی بنجاہ) ءکار مرکز کن آنت۔ عثمانی سلطان ہم کردستان ءگردانی بنجاہ ء

پدرکت - 20 می کرن ۽ ګردستان ۽ ګال ګوں بر اهداری ۽ کار مرز کنگ بیت - 1925 ۽ ترکی ګردانی استی ۽ رد کنت ۽ آیاں نہ نیت - ګردستان ۽ کل زمین (450,000 sq. Km) انت - اے وهداں ګردستان چار ملاکنی تہ ۽ بہر ۽ بانگ انت کہ آترکی، ایران، عراق ۽ سیریا انت - استیں وهد ۽ ګردانی ګیشتر آبائی ۽ زمین ترکی ۽ کبزه ۽ انت -

ګردستان ۽ ګیشتریں ہند ۽ دگ جنگل ۽ کوہ انت - کشت ۽ کشار ۽ سوب ۽ 5000 سال انت کہ ګردھے ڈیھ ۽ زند ګوازیگ ۽ وتی راجی پچارا لیش مہکم دانتگ - چہ بازیں کبزه گیرانی کبزه کنگ ۽ ابید ہم ګرداں وتی ڈیھ ۽ راجی پچارا برجم دانتگ انت -

ګردانی زبان ګوں انڈو یورپین (Indo-European) ۽ سیادی داریت - ګردانی زبان ۽ دود ۽ ریدگ 15000 تا 20000 (BC) ۽ روم زور انت - ګردچہ بنیاد ۽ همے ڈیھ ۽ چہ منند بوتگ انت - 2000 تا 3000 (BC) ۽ ګرد کٹم ۽ نام ۽ پدر بنت کہ آګوں سورین (Hurrian) ۽ سیادی دار انت - پمیشکہ عبداللہ اوژلان ۽ رد ۽ باز بند پتر (تاریخ) زانتانی ہیال انت کہ ګرد ۽ سورینانی راہر ګوں میتنی (Mitanni) کنفیڈریسی ۽ بادشاہیت ۽ سور بو تگ انت -

19 می کرن ۽ عثمانی بادشاہت وهدے کہ نذور ترایت ګڑا ګردانی بازیں شورش سر چست کن انت - انگریز ۽ فرنج دیہی (Armenian) ۽ آرامک (Aramaic) ۽ چر چانی تہ ۽ جتائی (Separatism) ۽ لیکہ ۽ دیم ۽ کار انت - پمیشکہ ګرد ۽ دیہیانی سیادی تہ ایت - 1918 ۽ جانی ۽ ریدگی تباہی ۽ پید دیہی ۽ آرامک ۽ سر ۽ لینڈ ہلاس بیت - بلے ګرد ۽ ترکی ۽ سیادی باز لگیگ بنت -

عبداللہ اوژلان وتی کتاب "War and Peace in Kurdistan" ۽ تہ ۽ نبشتہ کنت کہ 19 می کرن ۽ رند وهدے عثمانی بادشاہت زوالی ۽ نیمگ ۽ روت ګڑا داری زور ګر چوشکہ فرانس ۽ برطانیہ ګردستان ۽ سر ۽ بہر ۽ بانگ ۽ پالیسی (The Divide and Rule Policy) ۽ کار مرز کنان ۽ ګردستان ۽ ہستی ۽ ہلاس کنگ ۽ ہاتر ۽ آئی ۽ بہر ۽ بانگ کن انت - عثمانی بادشاہت ۽ پدر ګردستان ۽ وتو اجہی چچ ګرگ بیت ۽ ترکی، عراق، ایران ۽ سیریا ۽ دست ۽ دیگ بیت - دیستر ۽ عبداللہ اوژلان وتی کتاب ۽ تہ ۽ نبشتہ کنت کہ اے زمانگ ۽ ترکی ګردستان ۽ تہ ۽ وتی پنچگال ہمینکس مہکم کنت کہ آترکی ۽ تہ ۽ ګردستان ۽ زبان ۽ دود ۽ ریدگی ۽ سر ۽ ہندش جنت -

ہمے داب ۽ ایران ۽ تہ ۽ پهلوی کھول (Pahlavi Dynasty) ګردانی سر ۽ وتی زلم ۽ زور کی ۽ رجادار ایت - سیمکوشیک (ګردانی آشوبی ۽ مہکمیں راہر زانگ بیت کہ آ ګردستان ۽ آجوتی ۽ واستہ جہد ۽ بیت) ایران ۽ کشتگ بیت - 20 می کرن ۽ ایران ګردستان ۽ ڈیھ ۽ سر ۽ زور آور بیت ۽ وتی ہینا کیں پنچگال اود ۽ ایر کنت کہ آئی ۽ آسرداں مرچی ۽ گندگ بنت -

عراق ۽ سیریا ۽ تہ ۽ برطانیہ ۽ فرانس عرب پراکسیانی (Proxies Arab) سوب ۽ ګردانی ڈیھ ۽ سر ۽ وتو آکی ۽ ہاکی کنگ ۽ انت - اے گپ تچک انت کہ وهدے کبزه گیر یکجا ہے ۽ کبزه کنت ګڑا آ کوششت کنت کہ ایر دست ۽ سر جمیں شنے آں ہلاس بہ کنان - آھر وڑیں پالیسیاں (کار راہبنداں) کار مرز کنت، اتوری بایو سیاست (Bio politics) ۽ دروشم ۽ بہ بیت یا کہ نیکرو سیاست (Necro Politics) ۽ شکل ۽ - چوشیں نوبتاں ہمارا ج وتی دود ۽

رہیدگ استانان رکنیت کت کن انت کہ آزر اور (سامراج) آنی دیم تاکتے یم اوشت انت، جنگ کن انت ءوتی پجار ءر کین انت۔ آپہ ہج ڈولیس گربانی دیگ ءچک ءپد نہ بنت۔ کردستان ءستی ء مسترین سوب ہمیش انت کہ گردپہ وتی ڈیھ ءپاہازگ ءواستہ گوں چار زور اوریں استانان جنگ ء انت۔

## عبداللہ اوٹلان ءسیاسی زند ء سر ء چشائے:

اکتوبر 1998 ء وھدے سیریا عبداللہ اوٹلان ء لاچار کنت ءچہ ڈیھ ء کش ایت گڑ اوٹلان پہ گردستان ءسیاسی پولوکاری ءھاتر ء یورپ ءروت۔ وھدے کہ عبداللہ اوٹلان کینیاء دزگیر کنگ بیت گڑا آئی ءھلاپ ء گردستان ء چاریں نیمگاں مہلوکی زربشت ء زہر شانی پاد کابنت۔ پیسر ء عبداللہ اوٹلان تہنا گردستان ء زانگ ء پجارگ بوت بلے چہ دزگیر بوگ ءپد کرد مہلوک ء آئی ء دزگیری ءھلاپ ء ہمیںکس زہر شانی کت کہ میان استمانی دنیا ءتہ ءیک آشوبی راھشونے ءبتار ء دیم ء اتک۔ پہ گردستان ء آجوتی ءجنز ء ایمنی ءواستہ عبداللہ اوٹلان ءسک باز جہد ء کوششت کنگ۔

17 اپریل 1972 ء انقرہ ء مزن شہر بر جاہ ء وانگ ء زانگ ء عبداللہ اوٹلان ترکش آشوبی جہد کار ماھر ثیان "Mahir Cayan" ء کوش ءھلاپ ءیک زہر شانی پے دیم ء کاریت۔ ہمے زہر شانی ء آسر ء اوٹلان ءھوار کساس ٹھ سنگت دزگیر کنگ بنت ء داں ہپت ماھاں زندان ء کید ء بند کنگ بنت۔ چہ زندان ء درابگ ءپد عبداللہ اوٹلان سرپد بیت ء ماریت کہ زور آور تہنا پہ ایمنیں جہد ء کوششت ء سرپد کنگ نہ بیت۔ ہمیشگہ دیمتر ء عبداللہ اوٹلان ہمے لیکہ ء دیم ء کاریت کہ گردستان ء آجوتی ءھاتر ءیک جتائیں گلے جوڑ کنگ بہ بیت، ء آئی ء سرہال ء بنیات ایش بہ بیت کہ "گردستان یک ایردستیں استانے (Kurdistan is a Colony)"۔ اے سرہال ء اولی مرآش 1973 ء عبداللہ اوٹلان ءپاگوا جہی ء انقرہ ء بر جم دارگ بیت۔ 1975 ء عبداللہ اوٹلان ء میمت درمُس ء آھانی ایدگہ جہد کار اولی سند (Document) ء نمبشتی دروشم ء دیم ء کار انت کہ آئی ء سرہال Analysis of Imperialism and Colonialism بیت۔ 1977 ء عبداللہ اوٹلان گوں وتی اے دگہ سنگتانی ہمبرائی ء گردستان ءروت انت ء جتائیں جاہ ء جتائیں وھداں لس مہلوک ء ہمے لیکہ ء بارو ء سرپدی ء آگہی دیگ ء جہد ء بندات کنت۔

1978 ء عبداللہ اوٹلان "پی کے کے" ء دستور "The way of Kurdistan Revolution" ء نمبشتہ کنت۔ عبداللہ اوٹلان گل ء دستور ءھاکی کریر "Haki Karer" ءیات ء نمبشتہ کنت۔) ہاکی کریر بلیک سی 'Black Sea' ء جہہ منندے بیت آیک آشوبی جہد کارے بیت کہ دُلک ء ٹنگ ء نمیران کنگ بیت۔ (وھدے کہ ترکی ء مارشل لاء جنگ بیت، گڑاپی کے کے ء بازیں باسکے دزگیر کنگ ء نمیران کنگ بیت۔ پہ وتی راجی جنز ء بر جاہ دارگ ءر کینگ ءھاتر ء عبداللہ اوٹلان گوں وتی سنگتیں سیریا ء کوھاں رھا دگ بیت۔ اے میان ء عبداللہ اوٹلان وتی سنگتانی نیام ءسیاسی سنج و دینیت۔ چہ ترکی ء دراندیھ بوگ ء وھداں 1979 ء بگرداں 1998 عبداللہ اوٹلان پی کے کے ء باسکانی نیام ءسیاسی زانت ء سرپدی ءھوار سیاسی چست ء ایرانی بارو ء گپ ء تران بندات کنت ء آیانان شیوار کنت۔

ہمے وھداں عبد اللہ اوٹلان وئی راجی بجزء بر جاہ دارگ ء ھوار لبناں ء سیریا ء اید گہ دنیا ء شنگ ء شاگلئیں کرد مہلوک ء یکجاہ ء یکمشت کنگ ء ھاتر ء جہد بندت کنت۔ کساس 1980 ء آلبناں ء روت ء (PLO) Palestinian Liberation Organization ء گوسا دی داریت۔ 1990 ء عبد اللہ اوٹلان ترکی ء پی کے کے ء نیام ء پے ایمنی ء گپ ء تران (Dialogue) ء آمادگ بیت۔ بلے دبمتر ء چوشیں گپ ء ترانے نہ بیت۔

عبد اللہ اوٹلان دزگیر کنگ ء امرالی زروان (Imrali Island) ء زندان ء بند کنگ بیت۔ (امرالی زروان ترکی پوج ء یک پوجی اڈھے کہ لس مہلوک اود ء شت نہ کنت۔) عبد اللہ اوٹلان بنداتی دہیں سالان ہننا ھمے زروان ء بند یکجاہ ء بند یک بیت۔ پدارند ء امرالی زروان سہ بند یکجاہانی تہ ء ونڈ کنگ بیت کہ چرائی ء سہ جتا ئیں زندان جوڑ بیت۔ دنیا ء تہ ء اے زندان چہ ھما ھمکتریں زنداناں یکے زانگ بیت کہ چہ اود ء کسے در کپت نہ کنت۔

## پی کے کے ء سر ء کسانیں چشاکے:

اپریل 1973 ء شش مردم یک پترے ء سر ء نندا انت ء یک باوستے بندت کن انت۔ آیانی بنیاتی لیکہ ھمے بیت کہ گردستان یک ایردستیں استانے ء گردستان ء مہلوک چہ ایردستی ء سوب ء وئی ڈیھ ء و تو اک ء و توا جہ نہ انت۔ ء مارالوٹ ایت کہ پھ وئی ڈیھ ء مہلوک ء ھاتر ء یک و تو اکیں گرد سیاسی گلے جوڑ بہ کن ایں۔ کساس یک سالے ء تہ ء اے لیکہ انجو دینگ بیت پے آییاں بازیں نوکیں پالورز سر چست کن انت ء اے لیکہ ء داں یک آسرے ء بر انت ء سر کن انت۔ جتا جتا ئیں جاہ ء وھداں ھمے ٹولی ء ترکش لشکر ء نیام ء جنگ ء میڈ بیت۔

27 نومبر 1978 ء دیار باکر (دیار باکر گردستان ء یک کسانیں گلے) ء پی کے کے (گردش ور کرز پارٹی) ء ہنھشت ایر کنگ بیت۔ بندت ء پی کے کے ء لشکر ھمے جیر انت کہ اے وھداں شہر ء جنگ بوت نہ کنت۔ ہمیشہ پی کے کے وئی زربشت ء کوچگ ء کلکلاں بر جاہ دار ایت۔ ترکی ء واستہ پی کے کے مزینیں تاوانے بیت۔ ترکی گوں زوراکی ء پی کے کے ء سر ء اُرش کنت ء یکشل ء آئی ء ھلاس کنگ ء جہد ء کنت۔ اے جمبش پی کے کے ء یک مزینیں تاوانے دنت۔ ہمیشہ پی کے کے ء باسک وئی رکنینگ ء ھاتر ء ترکی ء یلا کن انت ء میانی رودر آنتک (Middle East) ء کوھاں رھاوگ بنت۔ ایوک ء 27 باسک ترکی ء پشت کپ ایت۔ پے پی کے کے ء رکنینگ ء آھانی اے گا گلچ یک مزینیں سو بمندی یے بیت۔

12 ستمبر 1980 ء ترکی ء پوج رسول سرکار ء ولگوج کنت ء استان ء واک ء وئی کبزہ ء کنت۔ ھمے وھد ء ترکی ء لشکر پی کے کے ء باسکاں (ھا کہ ترکی ء پشت کپتنگ انت) گپت ء زندانی کنت۔ عبد اللہ اوٹلان نبشتہ کنت کہ اے وھداں پی کے کے ء واستہ پیسلہ کنگ باز گران بیت۔ یا و پی کے کے و ت ء دراند بھی (Exile) گلے بہ لیک ایت یا نوکیں راجی آجوائی بجزے بنا بہ کنت۔ یک کسانیں مدتے ء پد گیشتر باسک پیسلہ کن انت ء و تر گردستان ء روانت ء گوں کبزہ گیر ء جنگ بندت کن انت۔

15 اگست 1984 ء ایروح ء سمدلی ء پوج ء مڈیانی سر ء اُرش ء پد پی کے کے ء تچکیں سلا ھبندیں بجز بندت بیت۔ اے دور ء ترکی ء سرکماش تڑگٹ ھزل بیت۔ آپنی کے کے ء ھلاپ ء وڑوٹیں پندل سازیت ء آییاں ء لا کوٹ ء ڈاکو (Handful of Bandits) ء نام دنت۔ لہتیں سال ء پد پی کے کے

ہمینڈر مہکم بیت کہ سرجمیں ترکی گوں زُربقتاں جکس ایت۔ 1990ء ترکی انچو بے وس بیت کہ آسیاسی تو جیل (حل) ءِ واستہ جاڑیگ (تیار) بیت۔ عبد اللہ اوٹلان ءِ ردءِ ٹرگٹ ہرول ءِ صلیمان دیمیرل (ترکی ءِ پاگواجہ) ءِ بنیان جاڑیگ بوٹگ آنت کہ آئی تہ ءِ گردانی پچار منگ بیت۔ 1993ء پی کے کے جنگ بندی ءِ آمادگ بیت۔ بلے ٹرگٹ ہرول ءِ اناکتیں مرگ ءِ پد اے عمل اوشت ءِ آماج بیت۔ عبد اللہ اوٹلان ءِ ردءِ عراقی گردش راہر تالبانی ءِ برزانی ءِ روشنت (Attitude) ہم دردواری ءِ روشنت نہ بوٹگ آنت۔ دیمتر ءِ نبشتہ کنت کہ اے گردستان ءِ راجی جیڑہ ءِ واستہ یک مز نیں موھے بیت بلے چہ دست ءِ روت۔

عبد اللہ اوٹلان وتی کتاب War and Peace in Kurdistan ءِ تہ ءِ نبشتہ کنت کہ 1998ء اوٹلان (آوہد ءِ پی کے کے ءِ کماش بیت) یورپ ءِ روت کہ گردستان ءِ واستہ یک سیاسی تو جیل بہ شوہازیت۔ آچہ کینیا ءِ دزگیر کنگ بیت ءِ ترکی ءِ آرگ بیت۔ اوٹلان ءِ ردءِ اے کرد میان اُستمانی دستور ءِ ہلاپ بیت۔ اے کار پی کے کے ءِ لیکہ ءِ سیاست ءِ Turning Point یے بیت۔ عبد اللہ اوٹلان ءِ دزگیر کنگ ءِ پد ترکی ہمے سرپد بیت کہ گردستان ءِ جُز ہلاس بیت۔ بلے چوش نہ بیت پی کے کے یک نوکیں لیکہ Democratic Socialism ءِ بنیات ءِ ترکی ءِ عراق ءِ تہ ءِ جہد بندات کنت۔

### عبد اللہ اوٹلان ءِ سیاسی لبرزانک:

عبد اللہ اوٹلان ءِ نبشتہ کنگیں کتاب تہنا پہ گردستان ءِ مہلوک ءِ سوگات نہ آنت، بلکیں جہان ءِ سرجمیں ایردستیں راجانی واستہ گہیں ٹیکلی زانگ بنت۔ عبد اللہ اوٹلان ءِ جتا جتا کیں زباناس کساس 50ء بُرز کتاب نبشتہ کنگ۔ ایثانی تہ ءِ کساس دہ ءِ چہ گہیں کتاب عبد اللہ اوٹلان ءِ زندان ءِ نبشتہ کنگ۔ عبد اللہ اوٹلان ءِ سیاسی لبرزانک ءِ گردستان ءِ تہ ءِ یک مز نیں کردے پیلو کنگ۔ وھدے ترکی، عراق ءِ ایران گردانی ہستی (Existence) ءِ ردکن آنت ءِ آیایاں نسلی ٹولی (Ethnic group) ءِ نام دینت، گڑا عبد اللہ اوٹلان گردستان ءِ راستیں راجی بستار ءِ بند پتر ءِ پٹ ءِ پول کنت ءِ نبشتہ تہ دروشم ءِ راج ءِ دیم ءِ کار ایت۔ عبد اللہ اوٹلان ءِ لبرزانک ءِ گردستان ءِ جُز ءِ را آپسرے ءِ سیننگ۔ بگندے ماچوش بہ گوش ایں ردنہ ہیں کہ بیدے عبد اللہ اوٹلان ءِ لبرزانک ءِ گردستان ءِ راج ءِ راجی جُز ناسر جم بنت۔

جہل ءِ عبد اللہ اوٹلان ءِ دو / سہ ہاسیں کتابانی پچار دیگ بوٹگ آنت۔

### 1. Liberating Life; Women's Revolution

عبد اللہ اوٹلان ءِ ردءِ چاگرد ءِ تہ ءِ زابلول گوں سہ بنگی جیڑہاں مان گہیں اٹگ۔

- لیکھی کلامی (Ideological Slavery)
- زلم ءِ زوراک
- روزانگی بندش (Seizure of economy)

Liberating life; Women's Revolution اولی رندء 2013ء چاپ ء شنگ کنگ بیت۔ عبد اللہ اوٹلان اے کتاب ء تہ ء گرد ء میانی رودر آتکی زالبولانی سرء ترانے بندت کنت ء آیانی ہنگی جیڑہاں دیم ء کاریت۔ عبد اللہ اوٹلان نبشتہ کنت کہ؛

"چاگرد ء تہ ء زالبولانی آزاتی یک بلاھیں جیڑہے۔ پیسر ء من جیڑاتگ کہ میانی رودر آتگ (Middle East) ء زالبولانی گلامی ء سوب جاگیر داری (Feudal) انت بلے چوش نہ انت، بازیں آشوبی ہیلکاری ء پد من ہمے آسر ء رستگاں کہ زالبولانی جیڑہ ء جند سک تامور انت۔ 50000 ہزار سالی دودمان ء بند پتر بن اسل ء زالبولانی گلامی انت۔" دیمتر ء عبد اللہ اوٹلان تچک ء گوش ایت کہ "زالبول ہا وھد ء سرجم ء آزات بنت، وھدے آگوں زور آور ء ہلاپ ء جنگ بہ کن انت۔"

عبد اللہ اوٹلان ء رد ء گردستان ء تہ ء زالبولانی سک باز جیڑہ بنت، پہ درور لوگی جیڑہ، سانگ ء سوری جیڑہ، مردینانی ہاکمی ء جیڑہ ء دگہ بازیں جیڑہ آست انت۔ ایشی ء اید گرد زالبول آجوتی ء جھڑ ء تہ ء مز نہیں کردے پیلو کنگ ء انت۔ عبد اللہ اوٹلان ء کتاب "Liberating life; Women's Revolution" ء دربرگ ء پد ہمے گمان بیت کہ آئی ء گرد زالبولانی جیڑہ گوں باز نرکی ء نزار تگ انت۔ دیمتر ء گو شیت کہ؛

"پی کے کے ایوک ء دری کبڑہ گیرانی ہلاپ ء جنگ کنگ ء نہ انت، بگندے اے تہی جاگیر داری (Internal Feudalism) ء ہلاپ ء ہم گہگیری کنگ ء انت ء زالبولانی آزاتی ء لوٹ ء کنگ ء انت، دانکہ گردستان ء تہ ء زالبولانی بستار مٹ بہ بیت۔ اے جنگ ء پڈازابول مز نہیں کچے ء ہوار انت۔" گڑ سر ء گو شیت کہ "پہ زالبولانی آجوتی ء ہاتر ء من ہرچ پیم ء گرد زالبولانی ہم کوپگ ہاں آلیہی دروشم ء بہ بیت یا کہ جنگ ء پڈ۔"

## 2. Prison Writings; Roots of Civilization

عبد اللہ اوٹلان ء اے کتاب 2001ء چاپ ء شنگ کنگ بوتگ۔ یات بہ بیت کہ عبد اللہ اوٹلان ء اے کتاب امرالی زروان ء زندان ء نبشتہ کنگ۔ اے کتاب ء تہ ء نبشتہ کار کوھنیں دور ء میانی رودر آتکی دپتر ء مارکسٹ لیکہ ء دیم ء کاریت ء استیں وھد ء جیڑہاں گیشین ایت۔ عبد اللہ اوٹلان وتی کتاب ء تہ ء نسل پرستی، زات ء تپاوت، جمہوریت، وتن دوستی (Patriarchy) ء ہوار گردستان ء بند پتر ء راجی جیڑہ ء سر ء تران کنت۔ عبد اللہ اوٹلان نبشتہ کنت کہ؛

"راج ء راجدوستی ء لیکہ ہا وھد ء دوم زور ایت ء سرچست کنت وھدے زردار (Capitalists) وتی لیکہ ء دیم ء کار انت۔ ہمے زمانگ ء راجدوستی ء لیکہ یک مز نہیں کردے پیلو کنت۔ ہمے لیکہ ء بنیات ء جاگیر دارانہ نظام (Feudalism) ء مارشت ہم زور تہیت ء ہلاسی ء نیمگ ء روت۔"

عبد اللہ اوٹلان ء رد ء راجدوستی ء مارشت زمانگ ء Reactionary بوتگ۔ پہ درود ہرچ کسان ء مز نہیں راجاں وتار ء مز ن ء دومی کسان ء ہراب لیک اتگ۔ اے تب ہا وھد ء زور بیت وھدے نو آبادیاتی نظام کیت انت کہ مز ن ء زور آوریں راج زوریں راجانی سر ء کبڑہ کن انت ء آھانی مڈیانی لٹ ء پل ء کن انت۔ چوشیں باریگاں ہمار راج رک اتگ انت کہ وھدے آھاں کبڑہ گیرانی گوما جنگ کنگ ء وت ء کینتگ۔

دیترے عبد اللہ اوٹلان کردانی جیڑہ باروئٹران کنت کہ:

"مرچی اگاں گرد میانی رودر آتک (Middle East) ۽ نکانی نیام ۽ پد مننگیں راجے گڑا آئی ۽ بجلی سوب سہ آنت۔"

- پُرشٹ ۽ پروشی (Fragmentation)
- تمنی رسا تکداری (Tribal Communication)
- جاگیر داری چاگرد (Feudal Society)

"تاں ہماو ہداں کہ گرد راج وت ۽ چہ اے جیڑہاں کش ات مہ کنت، آچہ ڈنی ۽ تہی کبڑہ گیراں آجونہ بیت۔"